

ত্রিপুরা সরকার
তথ্য ও সংস্কৃতি অধিকার

স-২০৩৯ (আগরতলা ১৩-০৯-২০১৭)
খোয়াই, ১৩ সেপ্টেম্বর, ২০১৭

খোয়াইয়ে উপজাতি ছাত্রছাত্রীদের
মেধাবৃত্তি প্রদান

মহকুমা প্রশাসনের উদ্যোগে খোয়াই টাউন হলে আজ খোয়াই মহকুমা ভিত্তিক উপজাতি ছাত্রছাত্রীদের মেধাবৃত্তি পুরস্কার বিতরণ অনুষ্ঠান আয়োজিত হয়। প্রদীপ প্রজ্বলনের মাধ্যমে অনুষ্ঠানের উদ্বোধন করেন উপজাতি কল্যাণ মন্ত্রী অঘোর দেববর্মা। এর উদ্বোধন করে শ্রী দেববর্মা বলেন, পরিকাঠামো উন্নয়ন সহ শিক্ষার গুণগতমান বাড়াতে সরকার নানাভাবে চেষ্টা চালাচ্ছে। শিক্ষার এই সুযোগ কাজে লাগিয়ে ছাত্রছাত্রীরা যাতে সমাজে প্রতিষ্ঠিত হতে পারে সেজন্য প্রয়োজনীয় উদ্যোগ নিতে তিনি শিক্ষক - শিক্ষিকা ও অভিভাবকদের প্রতি আহ্বান জানান। অনুষ্ঠানের প্রধান অতিথি এ ডি সি-র চেয়ারম্যান ড. রঞ্জিত দেববর্মা বলেন, শিক্ষা ছাড়া সমাজ ও জাতির উন্নয়ন সম্ভব নয়। শিক্ষার উন্নয়নে সরকার ও এ ডি সি প্রশাসন যৌথ ভাবে কাজ করছে। শিক্ষার সুযোগ গ্রহণ করে শিক্ষিত জাতি গঠনে তিনি সকলের প্রতি আহ্বান জানান। স্বাগত ভাষণ দেন মহকুমা শাসক প্রসূন দে। অনুষ্ঠানে সভাপতিত্ব করেন বিধায়ক পদ্মকুমার দেববর্মা। এই অনুষ্ঠানে মহকুমার ২৮টি বিদ্যালয়ের ষষ্ঠ শ্রেণী থেকে দ্বাদশ শ্রেণীর ২৭৬ জন উপজাতি ছাত্রছাত্রীকে মেধাবৃত্তি প্রদান করা হয়। অনুষ্ঠানে উপজাতি কল্যাণ মন্ত্রী অঘোর দেববর্মা সহ অন্যান্য অতিথিগণ ছাত্রছাত্রীদের হাতে শংসাপত্র তুলে দেন।

This document is a scanned copy of a PDF document. To remove this message please purchase the product at www.SmartPDFConverter.com